

Broj: 101-1- 246 /26Datum: 19.1.2026.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-202/26 od 16.1.2026. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke

„Nabavka računarske opreme“

LOT 1 – Nabavka računarske opreme za potrebe Ekonomskog fakulteta

I

Prihvata se preporuka Komisije za javnu nabavku u postupku javne nabavke pod nazivom „Nabavka računarske opreme“ - LOT 1 - Nabavka računarske opreme za potrebe Ekonomskog fakulteta, broj: 170-202/26 od 16.1.2026. godine i ugovor o nabavci robe u predmetnom postupku se dodjeljuje ponuđaču „**INTER-COM“ d.o.o., Vrandučka 71b, 72000 Zenica** u skladu s ponudom broj: 0513-AJ/26 od 08.01.2026. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od 8.600,00 KM bez PDV-a.

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).



Obrazloženje

Odlukom broj: 101-1-5609/25 od 23.12.2025. godine pokrenut je postupak javne nabavke računarske opreme za potrebe Ekonomskog fakulteta, Fakulteta humanističkih nauka, te za potrebe realizacije projekta pod nazivom „Supporting Development of Transcultural Competence for Healthcare Professionals in the Western Balkans (TCCWB)“, putem otvorenog postupka. Komisija za provođenje postupka javne nabavke računarske opreme, imenovana je Odlukom broj: 101-1-5610/25 od 23.12.2025. godine.

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 16.900,00 KM, a predmetna nabavka je podijeljena na 3 lota.

Procijenjena vrijednost nabavke za LOT 1 iznosi: 10.000,00 KM bez PDV-a. Obavještenje o nabavci broj: 66-1-1-202-3-89/25 objavljeno je na portalu javnih nabavki dana 24.12.2025. godine zajedno sa Tenderskom dokumentacijom broj: 101-1-5626/25.

U skladu sa Tenderskom dokumentacijom i obavještenjem o nabavci dana 13.01.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (13.01.2026. godine do 9:30 sati) zaprimljene su 4 (četiri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-47/26	EMADO D.O.O. Sarajevo	07.01.2026. u 09:22 h
2.	180-81/26	T.R. TECHNO-MEDIA Mostar	09.01.2026. u 12:15 h
3.	180-82/26	INTER-COM D.O.O Zenica	09.01.2026. u 12:40 h
4.	180-107/26	NEUTRINO D.O.O. Tuzla	12.01.2026. u 10:03 h

Nakon izvršenog pregleda ponuda, Komisija je konstatovala sljedeće:

Ponuda ponuđača „EMADO“ d.o.o. Sarajeva je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 9.900,00 KM bez PDV-a. Ponuđač nije dao popust na cijenu.

Ponuda ponuđača „T.R. TECHNO-MEDIA“ Mostar je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.

Naime, Ugovorni organ je članom 21. Tenderske dokumentacije u predmetnom postupku propisao da ponude moraju važiti 60 (šezdeset) dana, računajući od isteka roka za podnošenje ponuda. Ponuđač „TR TECHNO-MEDIA“ Mostar je na str. 4 svoje ponude broj: 06-0100-00076, u tački 5. Obrasca za ponudu (Aneks 1) naveo da ponuda važi do 09.03.2026. godine, što je 55 dana od dana isteka roka za podnošenje ponuda.



Članom 60. stav (1) Zakona o javnim nabavkama navedeno je sljedeće: „Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji...“

Nadalje, proizvod koji je ponudio ponuđač ne odgovara traženoj minimalnoj tehničkoj specifikaciji iz sljedećih razloga:

- Ugovorni organ je u tehničkoj specifikaciji za stavku 1. propisao, između ostalog, da uređaj treba da ima 12 MB L3 cache, dok je ponuđač „TR TECHNO-MEDIA“ ponudio proizvod koji ima 4 MB L3 cache;
- Ugovorni organ je u tehničkoj specifikaciji za stavku 1. propisao, između ostalog, da uređaj treba da ima minimalno 16 GB DDR4 RAM, dok je ponuđač „TR TECHNO-MEDIA“ ponudio proizvod koji ima 8 GB DDR4;
- Ugovorni organ je u tehničkoj specifikaciji za stavku 2. propisao, između ostalog, da uređaj treba da ima 8 jezgri / 8 niti, dok je ponuđač „TR TECHNO-MEDIA“ ponudio proizvod koji ima 4 jezgre / 8 niti.

Ponuđači su dužni, u skladu sa članom 57. Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije.

Na osnovu svega navedenog, komisija je konstatovala da je ponuda ponuđača „TR TECHNO-MEDIA“ nepravilna, te se odbacuje u skladu sa članom 68. stav (4) tačka i) Zakona o javnim nabavkama BiH.

Ponuda ponuđača „INTER-COM“ d.o.o. Zenica je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 9.990,00 KM bez PDV-a. Ponuđač nije dao popust na cijenu.

Ponuda ponuđača „NEUTRINO“ d.o.o. Tuzla je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 9.996,00 KM bez PDV-a. Ponuđač nije dao popust na cijenu.

Tačkom 31. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 16.01.2026. godine, utvrđena konačna rang lista ponuđača kako slijedi:

1. „**INTER-COM“ d.o.o. Zenica** s ukupnom cijenom ponude u iznosu od **8.600,00 KM bez PDV-a**,
2. „**NEUTRINO“ d.o.o. Tuzla** s ukupnom cijenom ponude u iznosu od **8.700,00 KM bez PDV-a**.
3. „**EMADO“ d.o.o. Sarajevo** s ukupnom cijenom ponude u iznosu od **9.900,00 KM bez PDV-a**.



Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci računarske opreme – LOT 1, dodijeli ponuđaču „**INTER-COM**“ **d.o.o. Zenica** sa ukupnom cijenom ponude u iznosu od **8.600,00 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-105. Zakona o javnim nabavkama BiH.

REKTORICA

prof. dr. Alena Huseinbegović

Dostaviti:

1. EMADO d.o.o. Sarajevo
2. T.R. TECHNO-MEDIA Mostar
3. INTER-COM d.o.o. Zenica
4. NEUTRINO d.o.o. Tuzla
5. Ekonomskom fakultetu
6. U predmet
7. a/a